

湘綺樓日記

三一

湘綺樓日記

民國三年甲寅

甲寅正月壬子朔晴起己巳正光景甚麗憶丙辰在明岡時得晴游風景
不殊彈指六十年矣喫蓮子雞卵年餠朝食時正午擲狀元籌宜孫得
雙狀元又摸牌未終局夜叉地礮亦未久卽散今日爆竹甚佳客來殊
未接待

二日晴曾抑齋自縣來喫年餠去許虹橋來言煤竈搯子及鎮南來姜甥
及鄰人來新佃來未見半夜有撬門入者黃孫持燈來訴周兒

三日陰治賭錢事告周兒宜退萬錢方可見我

四日雨周去卜留拜年客來多謝未見

五日晨大雨無所事宗兄宗子均來言挖煤事邵陽地生楊旦來求序

六日陰竹林之弟及組榮兒來五姪婦來常次谷及砥卿長子來李奉湯

鑄新奉書來迎并送參燕

人日陰晴陳秋嵩張凱陶來留食餅去復湯書常李先去

八日晴女僕出游獨坐看屋蔡六弟來留飯去

九日陰五嫂子又來言官事招搖撞騙斥之不去卜大毛求信與林水管

與之卽去夜俟迎春至子周孫從羅嫗去

十日壬戌子初立春雨憶杜詩好雨知時節檢杜集再過不得亦依韻作

一篇云

時雨知春節前溪夜浪生樓中一燈影窗外五更聲
倚枕寒常在披衣夜向明深山獨岑寂無夢到遼城

十一日雨摸牌一日作李地生地書序卽寄新化去石潭李姓來謝保釋

十二日寒雨夕歐陽生與嚴毅來坐船夜到明鐙迎之卽入內談飯至夜

分乃寢得戴表姪書

十三日雨客早去不飯今日出龍方擬接待遣人下縣辦菜至夜始到黃

朽人來求信蕭黃所組織諺云牽猴子者云各得數十金爲與書楊度

銷之卽去

十四日兩龍來本境留飯八桌亦費萬錢花爆頗可觀至亥方散

十五日陰二龍來收水至夜無月賀節行禮已將至亥黃鼈不能佳旋寢

十六日晴夜大月惜遲一夜也彭李工來言有船來迎蕭黃昨去未還

十七日晴滋告往新屋李姓來訴冤幹將軍來爲吼師所窘甚慍而無如何坐久之去庶可以懲招搖耶幹蕭真不顧門面

十八日晴船來迎令待明日寫字數幅劉少青來拜年留同船不肯

十九日客去未送欲上船吼師不可乃止摸牌竟日李黑狗兒來言孔教未見

室

廿日雨李不肯去我乃徑登舟至午開行少泊九總登岸乃飯卽宿所長

廿一日百花生請早麪先往陳水師曾鹽員蕭怡豐桂老耶匡翁六耶處

拜年六耶云將死答以於我殯旋至趣園陪客踵至麪實未嘗飯亦不飽還船暫惕復遇雜客閉倉小睡與曾抑齋同上岸復至趣園喫揚州菜菜實不佳至夜乃散

廿二日朝食後開行得南風午後入城城內回潮頗似丙戌過天津時又一朝矣春寒惻惻又似拏辦沈鵬翰林時景物鄧劉兩生來請喫燒鴨夜宿城宅

廿三日陰鄔師來將出拜客李孫來云須約日重伯兄弟亦來吳鴈舟來言今日投票須明日去朱九郎來許用庚警察送全席龍驗郎繼妻來楊仲子來送莊寄茶壺并書

廿四日陰張卜歐父子來湯頗公來迎入又一村見槍督置人自防設衛頗嚴小坐出至徐長生待主客李孫旋至鄧劉功輿並攜贛孫同來先入席待重伯來又燒一鴨乃散

廿五日陰雨晨起余佐卿兒在客坐待見欲求一館劉少田女接腳女均
來見接腳女壻已得館矣劉女不知亡國恨猶以我爲有聲氣也午間
汪頌年譚芝昀兩前輩來始知湯請客不能徑入又不再請今日請我
恐亦不得入胡少卿來約同往其房師也胡又師我則湯爲廖登廷矣
金年姪來求差許與劉稅廳言之至又一村重伯已至與府寮同食夜
散賓主未一語唯胡醉話不休甚無謂也又屬我爲羅芝士作傳

料峭
春寒

夜色膏燈昏雨細被如冰廿年
前向閨門宿還憶東朝遇沈鵬

廿六日龍驗郎繼妻來請領家具許爲告之王者曾重伯從子均叔來唐

廿屏臣來

廿七日晴莘田林次皇來

廿八日晴鄧竹郎來許警官送菜歐陽述父子來欲求保舉奇想也松崎

廿鶴雄送熊掌論語古本

廿九日陰出訪劉稅廳重入藩署便訪歐陽父子遇曾霖生又一人未甚
憶識至賀尙書故宅訪譚芝昀劉申甫來請題其祖父像余堯衢送鵝
鴨便復一片夜飲心田局中

卅日雨馮若皋請釐委與劉少青同癖姑許之不能姑與之黎九郎來歐
陽請客無至者余爲客僅致一劉艾唐

二月壬午朔陰梁璧垣來未見和尚來云廖蓀咳有子喪汪頌年郭子秩
龍少舒公請設席龍宅芝生得此屋余竟廿年未至亦可訝也入門頗
似上海夷館

二日雨將出城竟未得霽遂終日未出卜張久居無差惘惘而去

三日陰出南門上冢兼省陳母墓便過周偉齋與論劉子從我無益黎九
郎爲黃瑛請釋衆論大譁不知其曲直也至碧湘街看梁新屋可爲香
畹先生吐氣因與璧垣兄弟借青郊別墅以居芝昀余亦欲往看花鴈

舟由甫同集待重伯來已晚李孫請喫狗肉以非食犬未敢嘗督府諸人同坐戊散

四日陰朱家兄弟來謝先送潤筆又來看脈爲六女遙擬一方

五日晴祠祭齋戒張芝岑請飯因屢改日未可辭夕往一坐洪小帆子羅壽孫同坐功亦隨往戊散還設牌局則辭之矣

六日丁亥晴祠祭 禰廟換中毛衣尙不覺熱已正行事

七日陰寫字數幅招芝畝松崎由甫趙堦餽飲約楊鈞爲通事并招村山正農未來熊掌不甚香蓋鼎汁太多故祕書參謀等大設浩園以余爲客子大由甫亦與三人同往則來客寥寥行徑暗曲未及待坐興辭而出

八日陰周復廬招飲約客甚殷朝食後往凌善子先在黃麓泉汪壽民同集登樓待林次煌更有彭煊云笛仙從子迷其族里未便問之任小棠

來云今日公祭蓬洲周逸來催云都督待我喫翅鴨而往道遇心田都督不來劉劍侯代表程初先在鴈洲亦至與董事論地點不投機草草而散甚熱

九日陰東南風暖湘船來迎未能行也劉南生來正少一人得之甚喜彼則甚愁矣庶長官事大輸亦足爲戒竹林妻來押租告以須至湘潭易寡婦求書與梁啓超因而與之

卓如仁兄先生道席一別廿年風雲萬變榮辱毀固不足累高懷而歲月駸

駸駸未得商量舊學故時所不料也餘熊掌明刑悲矣歸國不之說而各處

陸沈海水羣飛又當時所不料也餘熊掌明刑悲矣歸國不之說而各處

法員毫無程度恐高遠未明覆盆致多怨讟識□造福者何以救之茲有

涉湘鄉養婦入都訴之枉因感鄙心特附一函求達冰案庶通幽隔聊志人勿

設以示潤阿尙 念頌人爾 夕至心遠樓與黃龍王會飲

十日晴汪頌年約同船上湘書來又不去陳完夫及唐樊生來請至衡甄別未能往也故定還山並踐百花生約

十一日晴熱可夾衣乘舁出城上船卽開已巳正矣得北風未夜已到縣泊觀湘門登岸至趣園唱戲做生甚爲熱鬧卽宿後房

十二日陰北風頗壯與凌雷邱同席喫堆翅桂老耶特來訪昨夜一見今致殷勤徐甥兒亦來殷殷致禮談京事已正登舟乘風入漣逆風不能行緝私船弁蕭仁貴鳴礮迎送寒擁被眠醒已上鐙云泊湖口矣頃之舁至到家門閉不得入立待久之

十三日陰看杏花色淡不能鬧春木瓜又太紅李花乃成淡黃映新葉故也牡丹猶有一藥可謂長命至船云風不能出又還兩女始起飯後摸牌夜分甫眠雷周我庭頃之炸礮一聲雨如篩乃寐

十四日凍雨初歇起視門階有雷迹門木碎落門故未損云昨電入房似火毬外孫婦及小婢皆驚小兒女不知也安眠無事蓋未鑿渾沌耳駭詫者不如孩童知聰明之爲累登舟遂發申正至城入局小坐卽往歐

家遇伯元於城外同入聽戲正約團拜杜鼎元得家信告警遂還船宿
欲明日早發上船乃遇蔡兒信背時也夜雨雷

十五日船人不行待已乃發逆風順水申正至城下遣看城門未閉舁入
朝宗門被搜檢放入家人云故無事摸牌四圈而散夜雷雨

十六日陰忌日素食晨出客坐周生已坐待午間杜蓉湖來松崎送報完
夫樊唐來請書與唐璆言甄別事夜雨又有月

十七日陰左幹青兩書求信干李經羲因而與之並復左長料理請客

十八日陰傅梅根來請飯夏子復來並招嚴受菴孫楣桑及峻五許紹獬
易大同完夫會食余未出坐易少坐即去

十九日陰觀音生日完夫請會酒兼約伯琇鄧劉生同會余往稻田傳寓
登樓會食芝畝錢校長由甫尹昌齡吳鴈舟重伯同集子大後至戊散
舁還家客已散便答警廳張竹橋宗兄來

廿日雨寒寫字數幅劉周來並有雜客耒陽門下生來訴艱難常寧譚生則不記識矣託鄧議長關說官事胡外孫夜來

廿一日晴陳完夫來謀校長爲與書湯頗公其言辦學如不辦又與狄梁公反周爲唐同意非我所許也

廿二日陰尹主事來送曾伯隅詩文集伯隅崎人乃溺於文詞楊哲子應愧之也夕至學署會飲頗公不在劍侯病去重伯爲主人以我爲客同集者易陳熟人南陳生人二更還霧散滿街

廿三日晴李孫來致電報覆以卽行因令告劉陳定行期完夫叔姪夜來廿四日晨起甚早訪劉漱琴黃觀虞鄔師皆不遇還與張芝岑談已知電報矣歐陽屬來請從行劉少青請喫燒鴨費錢過萬

廿五日陰丙申春分周姬告歸金來替之湯生大宴文士爲我餞行設五席集四十人不識者皆祕書參謀之士唯屏客從不聽入余從者亦無

樊噲則缺典耳申散還重伯來

廿六日晴周嫗還邱歐夜來談至亥始去

廿七日晴戊戌社日寫字數幅張貢五來帥生取像片寄美國欲余題字
前云美總統生辰綱者謬傳也桂娃惹事巡警欲囚之幸警長在坐得
解夜雷雨

廿八日陰尹巴黎招飲曾祠坐客初不甚相識大要梅山人也戊散至鹽
局莘田招飲頌年伯元諸君同集亥散

廿九日雨詩鐘會友約集挹爽樓去余居一街隔亦昇而往三房竝占集
者十餘人取劉劍侯爲狀元尙有二三不記名字者戊散

晦日大雨伯元招飲先往客多不至來者左繩生賀少元余太華少老板
劉穉泉亦來作主人凌盛燴後來亥散

三月壬子朔雨寫對數幅午後至日清公司考室與松崎鶴雄先約定者

公司栗井爲主門戶新油誤污我衣設每人每燕菜席甚爲侈費楊生亦在亥散

二日雨鐘寄樵來力阻北行因送之出便赴孔教會餞席有照片記主客三日晴開佛住持海印招諸名士修禊常靜話卅年事兼及寄禪云在京示寂海印親斂還柩天童殊令人不樂程初子大由六均在會未及作詩張警廳約游麓山午前已去芒芒然往從百搭橋泝湘岸上至書院北叢山平田並無幽景至萬壽寺未及入虎岑堂已將夕矣急上雲麓宮喫鱖鮓白鱸子大由甫亦至怱怱下山隔岸燈明湘上霧起主客各不相顧入城已及二更璫女自衡來彭石如坐待一日

四日晴石如昨力阻我行欲罷不能且復一往譚芝昀專信來干哲子不知非我類也亦姑與一函言之客來送者不計數

五日陰解差來約四點鐘上船並云都督遣軍樂候送窰女船到攜子婦

同來孫女病往子靖家就醫俄云疾發窅自往視長婦孫女兩兒宜孫並從行送轎發行李紛紜一日余上船已夕矣行李船猶未到客舟送者紛紛以百花生爲招待員余但送至艙門已罷於行又熱可單衣至二更後稍靜冗食從行甚可厭無法拒之

六日卯正發風雨雷並作不礙於行但稍遲耳夕至新隄浪涌船簸頗似黑水洋停輪久之夜黑如磐了無春景寫對二幅送者荆門陳白皆崇陽劉劍侯長沙王啓湘陳完夫李伯仁涇縣朱銘敬

船政局長

曾重伯劉養田周梅生令婦女邀曾妾來飯以房倉甚暗不可坐也余飯於房倉中以避之

七日雨風乘濤急進猶不能駛過午始至漢口一行五十餘人均至大旅館新開店市也云地皮大王劉祥本家所開名之貴狗兼充稽查起造三萬金卅年歸地主無地稅五層樓居第三層復降一等程鄭所謂降

階者與李伯仁專供應不費我經理譚芝公來談

八日陰葆生送菜方表葉麻桂老耶俱來縣人藥至矣日本中久喜岡辛
七郎來常寧有何錫蕃領全省水警得伯爵任中將殷殷來見約歸途
細談吳文甫昨來船上今復居此照料肥白勝前云爲段芝貴祕書無
權有錢方快快也談及莘田不能自保亦惜其多此一番運動云報館
李振王弢菴歡迎設宴復至商會應點邀譚郭同看漢倡醜陋不堪
九日晴三日風止本欲過江段中丞云午來相訪留待之寫字數幅未正
段芝貴香岩呂調元雙甫時象晉月皆杜錫鈞均來所謂機關上者小
坐去段送二席合宴同來護送人兼請譚吳召妓七八人唱漢調末三
曲俱樂部弢菴王運江招飲卽席賦詩招完夫父子曾重伯同作均能
急就勝諸女也

十日壬戌清明節晴顏伯琴弟二子栩字憲和自北來云伴尹昌衡看管

今往湘陰上冢致蜀錦二端發湯蜀二書湯爲黎桂生關說蜀則報戎
行蹤欲憑顏寄湘物怱怱未暇也蔡四兒苦纏告葆生邀四人各出十
元遣歸戀戀不肯去戴三老耶則請安去矣昨葆生言王金玉能燒魚
翅今特設請我果無館派殷殷自勸酒飯爲飲一杯飯一甌以答其意
並寫兩聯又自寫一扇與之字債猶未畢已半夜矣

十一日晨辦裝見窰女行李纍纍大斥其謬爲悉發上火車幸不過磅余
亦與葆生宜孫同坐馬車至大智門登臥車容四十人云費千金電請
總統飭交通部發來者可謂勞動大神也王慧堂譚芝昀均來同行
十二日晴昨夜過河橋亦未見繁盛云特爲我發電見河水粼粼碧淨無
波大異往時晨至彰德自此至琉璃河前五日程今一日至矣但未見
往日車道及行車耳酉初至前門停車見重伯下車云當急下迎者未
來發電話尋人余出閒看督子來又尋我同車至武功衛見門條署王